

# TOTAL TV PRIRUČNIK



<b>TOTAL TV DEKODER .....</b>	<b>4</b>
Povezivanje prateće opreme sa dekoderom .....	4
Ubacivanje Total TV kartice .....	4
Uključivanje dekodera .....	4
Procedura podešavanja prilikom prvog uključivanja .....	5
Vraćanje podešavanja na početne vrijednosti .....	6
<b>ELEKTRONSKI TV VODIČ .....</b>	<b>7</b>
Glavni meni .....	7
Poruka „Obavještenje o emisiji“ .....	8
Informacija o sadržaju emisije.....	8
Poruka „Jezik zvuka i titla“ .....	9
Obavještenje o izabranoj emisiji .....	9
TV vodič .....	10
Promjena kanala i traženje emisija .....	10
Brojevi kanala.....	11
Kontrola jačine zvuka .....	11
Bez zvuka (Mute) .....	11
Izgled TV vodiča.....	12
Pristupanje TV vodiču .....	13
Informacija o emisiji.....	14
Gledanje emisije koja se trenutno prikazuje .....	14
Podsjetnik za emisiju koja tek treba da počne .....	14
Otkazivanje podsjetnika .....	17
Blokirani kanali .....	18
Ukoliko niste pretplaćeni na određeni kanal .....	18
Omiljeni kanali.....	18
Blokada programa u cilju zaštite djece .....	20

Elektronska pošta (B-mail) .....	20
PIN kod.....	21
Pomoć za izabranu opciju .....	22
Meni za kanale .....	23
<b>PROGRAMSKI MENI .....</b>	<b>24</b>
TV vodič .....	24
Omiljeni kanali.....	24
Izabrane emisije .....	24
Žanr .....	24
B-mail meni .....	25
Meni za lična podešavanja.....	25
Jezik menija .....	25
Odaberi Audio 1 i Odaberi Audio 2 .....	26
Biranje jezika titla .....	27
Trajanje prikazivanja poruke „Obavještenje o emisiji“ na ekranu .....	27
Automatsko prebacivanje na izabranu emisiju (za koju ste podesili podsjetnik) .....	28
Stanje računa .....	28
Žaštita djece.....	28
Promjena PIN koda .....	29
Meni za podešavanja sistema.....	30
Hitna obavještenja.....	30
Izbor signala.....	30
Napredna podešavanja .....	32
Napredno podešavanje – podešavanje LNB-a .....	33
Napredna podešavanja – podešavanje TV-a .....	34
Napredna podešavanja - izlazni UHF kanal .....	34

Dijagnostika.....	35
Meni za pomoć.....	36
Objašnjenje značenja ikonica .....	36
Kontakt .....	36
Uključivanje i mod pripravnosti (Standby Mode).....	37
Prekid signala.....	37
Zamjena Total TV kartice .....	37
Poruke o greškama u vezi sa pristupom.....	39
Preuzimanje softvera .....	41
Transparentno preuzimanje .....	41
Unapređenje sa manjim promjenama vrijednosti parametara .....	42
Unapređenje sa velikim promjenama vrijednosti parametara.....	42
Prekid programa usljed preuzimanje softvera .....	42

## TOTAL TV DEKODER

### **Povezivanje prateće opreme sa dekoderom**

Da biste povezali dekoder sa satelitskom antenom kabal antene priključite na ulaz LNB IN.

Ukoliko već imate još jedan dekoder njega možete uključiti na ulaz LOOP OUT.

Televizor možete povezati na 3 načina: preko SCART kabla, preko RCA izlaza ili preko antenskog kabla.

Ukoliko dekoder na televizor povezujete preko antenskog kabla, na RF IN uključite zemaljsku antenu ili signal kablovske televizije.

Video rekorder takođe možete povezati na dekoder preko SCART kabla.

Ukoliko imate surround sistem, možete ga povezati putem S/P DIF izlaza.

### **Ubacivanje Total TV kartice**

Total TV karticu u dekoder ubacujete tako što otvorite poklopac na prednjoj strani dekodera i ubacite karticu u odgovarajući otvor. Obratite pažnju da je potrebno da slika bude sa gornje strane i da karticu ubacite u naznačenom smjeru.

### **Uključivanje dekodera**

Uključite dekoder u struju, a zatim pritisnite dugme ON/OFF sa zadnje strane dekodera, tako da bude na položaju ON.

Pritisnite dugme „**STAND BY**“ na prednjoj strani dekodera.

Kada upalite dekoder vidjećete ekran sa porukom „Molim sačekajte“, nakon čega dekoder prikazuje kanal sa najmanjim rednim brojem.

## **Procedura podešavanja prilikom prvog uključivanja**

Kada prvi put uključite dekoder automatski započinje sekvenca podešavanja u kojoj ovlašteni serviser (ili vi) određuje osnovne operativne parametre. Da biste mogli da gledate TV program ili koristite elektronski TV vodič potrebno je kompletno podesiti dekoder.

Da bi podešavanje dekodera bilo kompletno potrebno je proći kroz sve ekrane sekvence. Dok se ne izvrši kompletna procedura podešavanja, funkcionišu samo oni dugmići koji su potrebni za podešavanje.

Ovlašteni serviser ili korisnik može vratiti podešavanja na početne vrijednosti, da bi ih ponovo podesio po uputstvu.

Ekрани za podešavanja se pojavljuju sljedećim redoslijedom:

1. Prvo se pokazuje ekran za odabir jezika menija
2. Zatim se pojavljuje ekran „**Provjera podešavanja**“ koji sadrži spisak stavki koje morate provjeriti da bi uspješno primali program. Kada sve provjerite pritisnite dugme <OK> za nastavak. Takođe možete pritisnuti dugme <+> da bi prikazali ekran „**Napredna podešavanja**“ gdje možete podesiti ostale parametre dekodera.



3. Na kraju se pojavljuju ekrani „Izbor signala“ i „Parametri signala“

## Vraćanje podešavanja na početne vrijednosti

Proces vraćanja podešavanja na početne vrijednosti se naziva resetovanje. Ovaj proces mijenja samo parametre dekodera, dok informacije o pretplati i elektronskoj pošti (b-mail) ostaju nepromijenjene.

Da bi inicirali vraćanje podešavanja na početne vrijednosti potrebno je da:

1. Isključite dekodер iz struje
2. Pritisnite istovremeno sljedeću dugmad na prednjoj strani dekodera: dugme za pojačavanje zvuka, dugme za smanjivanje zvuka, dugme za promenu kanala naviše i dugme za promenu kanala naniže (četiri dugmeta postavljena u krug).
3. Držeći pritisnutu dugmad, uključite glavni prekidač na dekodерu i sačekajte dok se ne pojavi ekran sa porukom „Isključite dekodер iz struje, a zatim ga ponovo uključite u struju.“ Sada možete otpustiti pritisnutu dugmad.

4. Isključite dekoder iz struje, a zatim ga ponovo uključite u struju. Na taj način ste vratili podešavanja na početne vrijednosti i automatski započinje procedura podešavanja prilikom prvog uključivanja.

## ELEKTRONSKI TV VODIČ

### Glavni meni

Da biste pristupili Glavnom meniju dok gledate program, pritisnite dugme **<OK>**.

Glavni meni čine dva podmenija: meni usluga i meni opcija:

- Meni usluga. Da biste se kretali po meniju usluga i izabrali neku od stavki koristite dugmad sa strelicama lijevo i desno na daljinskom upravljaču.
- Meni opcija. Da biste se kretali po meniju opcija koristite dugmad sa strelicama gore i dole. Kada stignete do opcije koju želite da izaberete pritisnite **<OK>**. Otvoriće vam se ekran za datu opciju..
- U video prozoru se prikazuje trenutno izabrani kanal.



## Poruka „Obavještenje o emisiji“

Poruka „**Obavještenje o emisiji**“ se automatski prikazuje na ekranu svaki put kada promijenite kanal. Takođe, ovu poruku možete dobiti kada pritisnete dugme <?> dok gledate program. Tako se možete informisati o sadržaju emisije koju trenutno gledate, kao i o emisijama koje će se prikazivati na trenutno izabranom kanalu, kao i na drugim kanalima u narednom periodu.



## Informacija o sadržaju emisije

Informaciju o sadržaju emisije možete dobiti pritiskom na dugme <+>, dok je na ekranu poruka „**Obavještenje o emisiji**“

## Poruka „Jezik zvuka i titla“

Pritiskom na dugme <+> dok gledate program možete vidjeti „**Obavještenje o jeziku**“. Ono pokazuje trenutno odabrani jezik za zvuk i za titl. Da biste promijenili jezik zvuka koristite dugmad sa strelicama na gore i dole. Da biste promijenili jezik titla koristite dugmad sa strelicama na lijevo i desno.

Ako želite da isključite prikaz titla izaberite opciju „**None**“ („**Nijedan**“) sa liste jezika za titl.

Ako željeni jezik odabran za zvuk ili titl nije dostupan, on se na listi jezika pojavljuje precrtan sa dvije linije.



## Obavještenje o izabranoj emisiji

Sa Total TV vodičem imate priliku da koristite podsjetnik za početak vaših omiljenih emisija. Obavještenje o izabranoj emisiji prikazuje se na ekranu neposredno prije nego što počne izabrana emisija. Pritiskom na dugme <OK> potvrđujete izbor, a pritiskom na dugme <Ū> poništavate izbor. Ukoliko potvrdite izbor dekodera se automatski prebacuje na odgovarajući kanal u vrijeme kada počinje izabrana emisija. Ukoliko ništa ne pritisnete ponašanje dekodera zavisi od podešavanja koja ste napravili u meniju „**Lična podešavanja**“ u opciji „**Prebacivanje na emisiju**“.

## TV vodič

Informacije o programskoj šemi možete vidjeti koristeći TV vodič. TV vodič možete vidjeti ako pritisnete dugme <Guide> tokom gledanja programa, ili ako u glavnom meniju odaberete opciju „**TV vodič**“.

Kretanje kroz TV vodič vrši se na sljedeći način:

- Dugmad sa strelicama na gore i dole omogućavaju kretanje kroz spisak kanala
- Dugmad sa strelicama na lijevo i desno omogućavaju kretanje kroz raspored emitovanja emisija.
- Kad se pritisne dugme <+> dobija se informacija o sadržaju emisije.
- Kada se pritisne dugme <OK> ako je emisija u toku dekodir se automatski prebacuje na kanal na kome je ta emisija. Ukoliko emisija tek treba da počne dekodir se prebacuje na opciju „**Informacija o sadržaju emisije**“ , pri čemu imate mogućnost da aktivirate podsjetnik za izabranu emisiju.
- Kad se pritisne dugme <?> pojavljuje se ekran „**vrijeme**“, koji vam omogućava da vidite program za naredne dane, tako što ćete koristiti dugmad sa strelicama gore-dole da bi promijenili dan, ili dugmad sa strelicama lijevo-desno, da bi promijenili vrijeme.

## Promjena kanala i traženje emisija

Emisije možete tražiti na sljedeći način:

- Tako što ćete koristiti dugmad kanal gore i kanal dole (<CH+> i <CH->) da biste promijenili kanal;

- Tako što ćete direktno unijeti broj kanala;
- Tako što ćete koristiti opciju „TV vodič“ (pritiskom na dugme <Guide> ili izborom opcije u glavnom meniju, kao što je ranije opisano)
- Tako što ćete na određeni kanal otići sa poruke „**Obavještenje o emisiji**“;
- Tako što ćete odabrati opciju „**Žanr**“ u glavnom meniju, a onda odabrati emisiju sa spiska;

Tako što ćete odabrati kanal sa menija za kanale iz glavnog menija.

## Brojevi kanala

Ukoliko želite da prebacite na određeni kanal preporučujemo da broj kanala unesete kao trocifreni broj, npr. za kanal 9 pritisnite 009, jer je tada promjena kanala trenutna. Ukoliko pritisnete samo 9, promjenu kanala ćete čekati 2 sekunde.

## Kontrola jačine zvuka

Zvuk možete pojačati ili utišati koristeći dugmad <VOL+> za pojačavanje i <VOL-> za utišavanje.

## Bez zvuka (Mute)

Ako želite da isključite zvuk pritisnite dugme <Mute>. Kada ponovo želite da uključite zvuk, ponovo pritisnite isto dugme.

Ako dekoder ode u mod pripravnosti (standby mode) dok je uključena opcija „mute“, neće biti zvuka kada se dekoder vrati u normalan mod rada.

## Izgled TV vodiča

TV vodič se pojavljuje u obliku tabele u čijim redovima je dat program različitih kanala, a u kolonama vremenski intervali prikazivanja emisija. Tabela uvijek prikazuje 90 minuta programa. Emisije duže od 90 minuta prikazane su podijeljene u sekcije od 90 minuta i sve nose isti opis emisije. Da biste vidjeli program za narednih 90 minuta koristite dugmad sa strelicom na desno, a možete se vratiti pritiskom na dugme sa strelicom na lijevo. Ako informacija o rasporedu emisije nije dostupna onda se u tom redu u tabeli pojavljuje ispis „**Informacija nije dostupna**“.



Sat koji prikazuje trenutno lokalno vrijeme nalazi se u gornjem desnom uglu ekrana. Izabrane emisije su u tabeli posebno obilježene.

## Pristupanje TV vodiču

TV vodiču možete pristupiti na dva načina:

- Tako što ćete odabrati opciju „**TV vodič**“ iz glavnog menija
- Tako što ćete pritisnuti dugme <**Guide**> dok gledate neki program

Kad uključite TV vodič emisija koju trenutno gledate biće obilježena.

Ako hoćete da izađete iz TV vodiča i vratite se na kanal koji ste gledali pritisnite dugme <**TV**>.

Ako želite da se vratite na prethodni ekran (glavni meni ili posljednji gledani kanal) pritisnite dugme <**Ů**>.

Dekoderu je potrebno nekoliko minuta po uključivanju da učitava kompletan raspored emisija. Ako pokušate da pristupite TV vodiču odmah nakon uključivanja dekodera, vodič prikazuje „**Učitavam**“ umjesto imena kanala ako se kanali još nisu učitani, odnosno „**Nema informacija**“ umjesto informacije o rasporedu emisija, ako se ova još nije učitala.

Vodič takodje prikazuje prethodne poruke u slučajevima da:

- TV vodič nije neposredno dostupan zato što je u procesu ažuriranja; ili
- U slučaju da vodič ponovo učitava imena kanala i raspored emisija pošto je promijenjen jezik menija.

## Informacija o emisiji

Pritisnite dugme <+> dok posmatrate TV vodič i pojaviće se ekran sa sljedećim informacijama o emisiji:

- naziv kanala na kome se prikazuje emisija;
- naziv emisije;
- vremena početka i kraja emisije, podešeno na lokalno vrijeme korisnika;
- odgovarajuću ikonicu o uzrastu djece za koji je emisija podesna za gledanje;
- odgovarajuće ikonice za opis sadržaja;
- kratak sadržaj emisije.

## Gledanje emisije koja se trenutno prikazuje

Kada se nalazite u TV Vodiču i odaberete emisiju koja se trenutno prikazuje, dekoder se prebacuje na kanal na kome je ta emisija. Ukoliko nemate autorizaciju za gledanje te emisije, kanal je blokiran i na ekranu se prikazuje obavještenje da nemate odobrenje za gledanje tog kanala. Ako je program blokiran zbog zaštite djece, prikazuje se ekran sa oznakom za starije od naznačenog uzrasta, tako da morate unijeti PIN kod da biste gledali tu emisiju.

## Podsjetnik za emisiju koja tek treba da počne

Da biste podesili podsjetnik za emisiju koja tek treba da počne, treba da odaberete željenu emisiju, što možete uraditi iz TV vodiča, iz ekrana „Obavještenje o emisiji“ ili iz opcije „Izaberite žanr“ (u sva tri slučaja

pritiskom na dugme <OK>). Prikazaće vam se ekran „**Informacije o emisiji**“.

Na ekranu za „**Informacije o emisiji**“ pritisnite dugme <OK>:

- Ako nema konflikta sa već postojećim izborom, prikazuje se ekran „**Izabrane emisije**“. U TV vodiču izabrane emisije će biti posebno obilježene.
- Ako postoji konflikt sa već postojećim izborom, prikazuje se ekran sa informacijom da postoji konflikt.



Ukoliko se desi da izaberete emisiju koja se preklapa sa drugom izabranom emisijom (na primjer, izabrali ste emisiju koja traje jedan sat i počinje u 16:00 i drugu emisiju koja počinje u 16:30) prikazaće se ekran „**Konflikt izabranih emisija**“. U tom slučaju, možete pritisnuti dugme <OK> da biste vidjeli ekran „**Izabrane emisije**“. Na ovom ekranu će se pojaviti nazivi obje emisije posebno obilježene. Imate mogućnost da otkazete podsjetnik za jednu od emisija ili da ostavite podsjetnik za obje emisije. Ako otkazete podsjetnik za jednu emisiju više nema konflikta. Ako zadržite oba

podsjetnika, podsjetnik za emisiju koja počinje kasnije će se pojaviti na ekranu prekidajući emisiju koju gledate, a ranije ste je odabrali.

Da biste se sa ekrana „**Informacije o emisiji**“ vratili na TV vodič, na ekran „**Obavještenje o emisiji**“ ili na ekran „**Izaberite emisiju**“ pritisnite dugme <⏪>.



Na ekranu „**Izabrane emisije**“:

- Kada označite emisiju i pritisnete dugme <+> prikazuje se informacija o emisiji na posebnom ekranu.
- Pritiskanjem dugmeta <OK> poništavate izbor. Ovo uklanja oznaku (✓) ispred naziva emisije, ali emisija ostaje na spisku sve dok ne pritisnete dugme <⏪> i ne izadjete iz tog ekrana. Poništena emisija više se ne pojavljuje kada se vratite na ekran „**Izabrane emisije**“ i ta emisija u TV vodiču više neće biti posebno označena.

- Kad pritisnete dugme <Ů> vraćate se na tačku gdje je emisija odabrana (na TV vodič, na ekran „**Obavještenje o emisiji**“, ili na ekran „**Izaberite emisiju**“).

Kada se podsjetnik za početak emisije pojavi na ekranu pritisnite dugme <OK> da odstranite informacijski ekran i potvrdite izbor; dekoder tada automatski prebacuje na odgovarajući kanal kad emisija počne. Ako pritisnete dugme <Ů> dekoder neće automatski prebaciti na odgovarajući kanal.

Ako ne pritisnete ni jedno dugme podsjetnik ostaje na ekranu do početka emisije. Ponašanje dekodera u tom slučaju zavisi od podešavanja koje ste unijeli u opciji menija „**Prebacivanje na emisiju**“ koji se nalazi u glavnom meniju u sekciji ličnih podešavanja.

Podsjetnik se pojavljuje jedino kada gledate kanal preko cijelog ekrana, a ne pojavljuje se ako ste tog trenutka u glavnom meniju. Dekoder se ne prebacuje na kanal na kom je izabrana emisija ako podsjetnik nije prikazan.

Možete izabrati maksimalno 10 emisija za koje ćete aktivirati podsjetnik.

## Otkazivanje podsjetnika

Podsjetnik možete otkazati na dva načina:

- Koristeći opciju „**Izabrane emisije**“ u glavnom meniju, koji prikazuje ekran sa izabranim emisijama. Obilježite emisiju na ovom ekranu i pritisnite dugme <OK>. Sačekajte da se pojavi podsjetnik o izabranoj emisiji, i onda pritisnite dugme <Ů>.

## Blokirani kanali

Određeni kanali mogu biti blokirani iz sljedećih razloga:

- Total TV kartica nije ubačena;
- Niste pretplaćeni za tu vrstu usluga;
- Niste pretplaćeni na određeni kanal;
- Na kanalu se trenutno emituje emisija koja je blokirana u cilju zaštite djece;
- Emisija/kanal je blokirana zatamnjivanjem ekrana;
- Postoji problem ili greška koja se odnosi na Total TV karticu.

Kada ste na blokiranom kanalu, nema zvuka i poruka pokazuje zašto je kanal blokirana.

## Ukoliko niste pretplaćeni na određeni kanal

Ako odaberete kanal na koji niste pretplaćeni, prikazuje se poruka se imenom kanala, kanal je blokirana i na ekranu se javlja poruka sa tekstom: „Pozovite korisnički servis da biste se pretplatili na ovaj kanal. (4)“

## Omiljeni kanali

Ukoliko želite možete izabrati do 20 vaših omiljenih kanala na 20 rezervisanih mjesta (kanali od broja 900 do 919). Na taj način će vam biti lakše da nađete određeni kanal.

Podšavanje omiljenih kanala vršite koristeći opciju „**Omiljeni kanali**“ u glavnom meniju.



Pritiskom na dugmad sa strelicama na gore i dole se pomjerate do broja koji želite da dodijelite omiljenom kanalu. Pritisnite dugme <OK> ili dugme sa strelicom na desno da obilježivač pomjerite do drugog spiska gdje se na isti način pomjerate do kanala koji želite da obilježite tim brojem, a zatim pritisnite dugme <OK>.

Ukoliko želite da se vratite na prvi spisak, a da ne odredite omiljeni kanal, pritisnite dugme sa strelicom na lijevo. Ukoliko želite da poništite neki od izabranih omiljenih kanala u drugom spisku izaberite „slobodno“ i pritisnite dugme <OK>.

## Blokada programa u cilju zaštite djece

Poruka „**Obavještenje o emisiji**“ se prikazuje i za one emisije koje ne možete da gledate, jer su blokirane u cilju zaštite djece. Umjesto videa, prikazuje se ekran „**Zaštita djece**“ i morate unijeti PIN kod da biste je gledali. Da biste se vratili na kanal koji ste prije toga gledali pritisnite dugme <U>.

Od vas će biti traženo da ponovo unesete PIN kod za istu emisiju:

- Ako prebacite kanal i duže od 2 minuta gledate neki drugi kanal za koji vam nije potreban PIN kod (što uključuje gledanje kanala u video prozoru u glavnom meniju, kao i preko cijelog ekrana), pa se nakon toga vratite na ovu emisiju. Ukoliko ste druge kanale gledali kraće od 2 minuta, neće biti potrebno da ponovo unosite PIN kod.
- Ako izvadite, a potom ponovo ubacite Total TV karticu;
- Ako prebacite dekoder u mod pripravnosti (standby mode), a onda ga ponovo uključite;
- Ako isključite dekoder, a onda ga ponovo uključite.

## Elektronska pošta (B-mail)

Emiter je u mogućnosti da šalje poruke korisnicima putem svoje elektronske pošte (b-mail). Te poruke ostaju u memoriji i ako se dekoder isključi.

Kada primite novo hitno obavještenje (poruku), na prednjoj strani dekodera se pali određena oznaka. Oznaka se isključuje kada pročitate sva nova obavještenja.

Da biste odmah pročitali hitno obavještenje pritisne dugme <?>. Do b-mail obavještenja možete doći i kroz glavni meni. Kad pročitate obavještenje, pritiskom na dugme <Ů> ga sklanjate i vraćate se na prethodni ekran. Ako je poslano nekoliko hitnih obavještenja, ikonica ostaje na ekranu sve dok ne pročitate sva obavještenja.

Ukoliko želite, možete isključiti prikazivanje ikonice za hitna obavještenja koristeći opciju „**Hitna obavještenja**“ u glavnom meniju.

Ukoliko obavještenje može da se izbriše, ekran obavještenja dozvoljava da pritisnete dugme <OK> i tako zatvorite taj ekran i izbrišete obavještenje. Uvek možete pritisnuti dugme <Ů> da zatvorite ekran obavještenja, a da ga ne izbrišete.

Hitna obavještenja možete izbrisati jedino ako do njih dodjete preko glavnog menija. Ako prikazete hitno obavještenje pritiskajući dugme <?> onda se opcija za brisanje obavještenja ne prikazuje na ekranu.

## **PIN kod**

Lični identifikacioni broj (**PIN**) služi da vam omogući kontrolu nad sljedećim funkcijama i ograničenjima:

- Blokada programa u cilju zaštite djece;
- Kontrolisanje pristupa ekranu koji prikazuje stanje na računaru;

- Kontrolisanje pristupa ekranu za promenu PIN koda;
- Kontrolisanje pristupa ekranu za podešavanje parametara signala,
- Kontrolisanje pristupa meniju za napredna podešavanja

PIN kod se nalazi u memoriji Total TV kartice, a emiter ga može ponovo vratiti na njegovu početnu vrijednost: **0000**.

Kada se od vas traži PIN kod, pojavljuje se ekran gdje treba da ga unesete. Cifre unosite koristeći dugmad sa brojevima. Pošto se radi o šifri, kada unosite brojeve na ekranu se pojavljuju znakovi \*. Da biste obrisali posljednju cifru pritisnite dugme sa strelicom na lijevo. Dugme **<OK>** je aktivno samo kada unesete sve četiri cifre.



Ako unesete neispravan PIN kod prikazaće vam se ekran koji vas obavještava o grešci. Tada treba da pritisnete dugme **<U>** da biste se vratili na ekran za unošenje PIN koda i da pokušate ponovo.

## Pomoć za izabranu opciju

Glavni meni vam omogućava da dobijete pomoć (objašnjenje) za onu opciju koja je označena u meniju pritiskom na dugme <?>. Tekst objašnjenja će se pojaviti preko glavnog menija. Da biste uklonili ovu informaciju pritisnite bilo koje dugme za kretanje <Ů>, strelicu na gore, strelicu na dole...

## **Meni za kanale**

Kada se na ekranu pojavi meni za kanale, kanal koji trenutno gledate biće posebno obilježen. Pritiskom na dugme <OK> izabrani kanal se pojavljuje u video prozoru. Da bi se taj odabrani kanal prikazao preko čitavog ekrana ponovo pritisnite dugme <OK>.

Ako je kanal blokiran, iznad video prozora možete vidjeti poruku sa razlogom blokade.

## PROGRAMSKI MENI

### TV vodič

Ako u glavnom meniju odaberete opciju TV Vodič (ili pritisnete dugme <Guide> na vašem daljinskom upravljaču) pokazuje se tabela TV vodiča sa programskom šemom.

### Omiljeni kanali

Opcija omiljenih kanala omogućava vam da odaberete do 20 kanala na 20 rezervisanih mjesta.

### Izabrane emisije

Opcija Izabrane emisije vam omogućava da vidite listu emisija za koje želite podsjetnik. Tu takođe možete otkazati podsjetnik za bilo koju od tih emisija.

### Žanr

Ako odaberete ovu opciju pojavice se ekran „Izaberite žanr“.

Kada odaberete žanr prikazaće se ekran „**Izaberite emisiju**“ gdje se navodi do 70 emisija odabranog tipa, počev od prve emisije koja je na redu u odnosu na trenutno vrijeme. Emisije su poredane po vremenu početka emitovanja (a u slučaju da počinju istovremeno, onda i po broju kanala). Iznad ovog spiska na ekranu ćete vidjeti žanr koji ste odabrali na prethodnom ekranu, kao i dan kada se prikazuje emisija označena na spisku. Pritiskom na dugme <OK> možete aktivirati podsjetnik za označenu emisiju.

## **B-mail meni**

U B-mail meniju se nalazi spisak poruka koje ste primili, a još nisu izbrisane. Ako nema poruka, prikazuje se ispis „**Nema poruka**“.

## **Meni za lična podešavanja**

Meni za lična podešavanja sadrži opcije koje podešavate po ličnom izboru.

## **Jezik menija**

Opcija „**Jezik menija**“ vam dozvoljava da odredite na kom jeziku želite da vam se ispisuju poruke i stavke menija.

Do ovog ekrana možete doći preko glavnog menija ili kroz proceduru podešavanja prilikom prvog uključivanja. Ako ovom ekranu pristupite preko glavnog menija, poruke su na onom jeziku koji ste posljednji upotrebljavali. Ako je u pitanju procedura podešavanja prilikom prvog uključivanja, poruke

će biti na srpskom jeziku. Na ekranu ćete imati spisak svih raspoloživih jezika.



Da biste odabrali neki od jezika pritisnite dugme <OK>. Pojaviće se ekran za potvrdu koji pokazuje tekst na odabranom jeziku, kao i frazu „**Ne, drugi jezik**“ na svakom od raspoloživih jezika. Da biste potvrdili promjenu označite opciju za potvrdu (to je fraza „**Da, (ime jezika)**“) i pritisnite dugme <OK>. Na prethodni ekran možete se vratiti tako što ćete odabrati odgovarajuću opciju, tako što ćete pritisnuti dugme <Ů> ili tako što ćete odabrati bilo koju od opcija „**Ne, drugi jezik**“.

## Odaberi Audio 1 i Odaberi Audio 2

Da biste odabrali glavni ili drugi jezik za zvuk koristite opcije „**Odaberi Audio 1**“ i „**Odaberi Audio 2**“.

Ovi ekrani navode imena svih jezika na kojima je zvuk dostupan. Da biste odabrali jezik označite jezik prema želji i pritisnite dugme <OK>.

Svoj izbor možete poništiti dok posmatrate neki program tako što će koristiti ekran „**Jezik zvuka i titla**“.

## **Biranje jezika titla**

Da biste odabrali jezik titla koristite opciju „**Jezik titla**“. Ekran „**Izaberite jezik titla**“ navodi imena svih raspoloživih jezika za titl.

Da biste odabrali jezik označite jezik prema želji i pritisne dugme <OK>. Prikazaće se ekran „**Prikaz titla**“ koji vas pita da li da se titlovi pokazuju kada je jezik za zvuk koji se koristi isti kao i onaj koji je odabran za titlove.

- Ako odaberete opciju „**DA**“, onda se titlovi (kada postoje) pokazuju na odabranom jeziku i u slučaju kada je zvuk na istom tom jeziku. Ovo je korisno posebno za one gledaoce koji imaju oštećen sluh.
- Ako odaberete opciju „**NE**“, ne pokazuju se titlovi kada je odabrani jezik titla isti kao i jezik koji se koristi za zvuk. Titlovi se onda pokazuju samo kada je zvuk na drugom jeziku.

Svoj izbor možete poništiti dok posmatrate neki program tako što će koristiti ekran „**Jezik zvuka i titla**“.

## **Trajanje prikazivanja poruke „Obavještenje o emisiji“ na ekranu**

Trajanje prikazivanja poruke „**Obavještenje o emisiji**“ možete promijeniti koristeći opciju „**Dužina obavještenja**“. Ova opcija vam omogućava i da odredite kada će se pojaviti podsjetnik za odabranu emisiju (koliko minuta

prije početka emitovanja emisije). Trajanje svih drugih obavještenja i poruka je fiksno.

Možete isključiti prikazivanje poruke „**Obavještenje o emisiji**“ na ekranu (poruka se pojavljuje pri promjeni kanala ili nakon pritiska dugmeta <?>) tako što ćete u opciji „**Dužina obavještenja**“ kao vrijeme prikazivanja odabrati 0 sekundi.

## **Automatsko prebacivanje na izabranu emisiju (za koju ste podesili podsjetnik)**

Ova opcija vam omogućava da dekoder automatski prebaci na kanal na kome je emisija za koju ste podesili podsjetnik bez obzira da li ste pored dekodera ili ne.

Ako odaberete NE, dekoder ostaje na kanalu na kome se nalazio prije početka emisije.

Ako odaberete DA, dekoder se automatski prebacuje na kanal na kome se emituje izabrana emisija u trenutku kada ona počne.

## **Stanje računa**

Da bi vidjeli stanje vašeg računa izaberite opciju „**Stanje računa**“ i unesite vaš PIN kod. Ovu informaciju dobijate putem b-mail poruke.

## **Zaštita djece**

Opcija „**Zaštita djece**“ vam omogućava da spriječite djecu da gledaju emisije koje zbog svog sadržaja ne bi trebalo da gledaju.



Biranjem ove opcije prikazuje se ekran „**Zaštita djece**“ koji služi za određivanje uzrasta za koji nije potrebno unijeti PIN kod.

Pored uzrasta za koji nije potrebno unijeti PIN kod prikazan je simbol ○

Pored uzrasta za koji je potrebno unijeti PIN kod prikazan je simbol ⊗

## Promjena PIN koda

Da biste promijenili svoj PIN kod izaberite opciju „**Promjena PIN koda**“  
Unesite svoj sadašnji PIN kod i pritisnite dugme <OK> (Ako zaboravite svoju PIN lozinku pozovite korisnički servis da bi vam PIN kod vratili na podrazumijevanu vrijednost “0000“.) Ako unesete ispravan PIN kod pojaviće se ekran „**Unesite novi PIN kod**“. Ako unesete pogrešan PIN kod pojaviće se ekran o grešci. Tada morate pritisnuti dugme <U> da bi se vratili na ekran „**Izaberite PIN kod**“, da bi mogli da pokušate ponovo.

Na ekranu „**Unesite novi PIN kod**“ unesite vaš novi PIN kod i pritisnite dugme <OK> poslije čega će se pojaviti ekran „**Potvrdite novi PIN kod**“. Ponovo unesite novi PIN kod i opet pritisnite dugme <OK>. Ako ste oba puta unijeli isti PIN kod pojavljuje se glavni meni. Ako se unijeti PIN kodovi razlikuju ponovo se pojavljuje ekran „**Unesite novi PIN kod**“.

## **Meni za podešavanja sistema**

Meni za podešavanje sistema sadrži opcije za ovlaštenog servisera (ili korisnika sa potrebnim znanjem) da podesi ili modifikuje parametre dekodera.

## **Hitna obavještenja**

Opcija „**Hitna obavještenja**“ vam dozvoljava da onemogućite prikazivanje ikonice za hitna obavještenja, koja se pojavljuje kada takvo obavještenje stigne. Da biste ovo postigli potrebno je da izabere opciju „**Isključeno**“. Da biste omogućili ponovno prikazivanje te ikonice, izaberite opciju „**Uključeno**“.

## **Izbor signala**

Ekрани kojima se pristupa preko ove opcije menija takođe su prikazani kao dio procedure podešavanja prilikom prvog uključivanja, pri čemu ovlašteni serviser (ili korisnik) podešava opcije transpondera koji se koristi kao ulazna tačka (entry point).

Ova opcija je zaštićena PIN kodom, tako da ga morate unijeti.

Ekran „**Izbor signala**“ prikazuje listu od četiri transpondera, od kojih su prva dva sa predefinisanim parametrima za Total TV, a druga dva sa parametrima koje možete mijenjati po potrebi. Promjeni parametara za izabrani transponder pristupate pritiskom na dugme '+'. Kad odaberete ovu opciju možete unijeti željenu frekvenciju, polarizaciju, symbol rate i FEC.

Poslije ekrana za FEC ponovo se pokazuje ekran „**Izbor signala**“.

Ulaznu tačku (entry point) birate pritiskom na dugme <OK>. Dekoder se podešava na tu ulaznu tačku i pojavljuje se ekran „**Parametri signala**“ koji obezbjeđuje grafički prikaz jačine i kvaliteta signala, čime se potvrđuje da je kabal od satelitske antene do dekodera pravilno povezan i pomaže instalateru (ili korisniku) kod usmjeravanja satelitske antene. Aktuelni nivo signala pokazuje se u numeričkom obliku zajedno sa aktuelnim BER-om. Kada su jačina signala i njegov kvalitet na minimumu prihvatljivih vrijednosti ili iznad njega i kad se dekodeer zaključa na određeni signal pojavljuje se ikonica sa katancem pored imena ulazne tačke, a korisnik može da pritisne dugme <OK> da bi dovršio proces instalacije i vratio se u glavni meni.



Promjene u parametrima ulazne tačke neće biti sačuvane ako proces instalacije nije kompletan. Instalacione parametre možete vratiti na prethodno memorisane vrijednosti tako što ćete isključiti dekoder iz struje (a zatim ga uključiti) prije nego što se proces završi.

## Napredna podešavanja

Promjena parametara do kojih dolazite preko opcije „**Napredna podešavanja**“ može dovesti do toga da izgubite neke programske mogućnosti, tako da ih ne treba dirati ako niste sigurni šta radite.

Ovde podešavate:

- LNB
- TV
- izlazni UHF kanal
- besplatne (FTA) kanale

Pristup ovoj opciji zahtijeva unošenje PIN koda.

## Napredna podešavanja – podešavanje LNB-a

Ova opcija vam omogućava da podesite parametre LNB-a.

Kad odaberete ovu opciju sljedeći ekrani se pokazuju ovim redoslijedom:

- **„Podešavanje LNB-a“**. Na ovom ekranu birate LNB čija podešavanja hoćete da promijenite.
- **„Izbor satelita“**. Birate satelit čiji signal primete preko izabranog LNB-a.
- **„Podešavanje DiSEqC-a“** Unesite DiSEqC opciju za LNB.
- **„Način promjene lokalnog oscilatora“** vam omogućava da izaberete da li će dekoder, slanjem odgovarajuće komande LNB-u, omogućiti otvaranje kanala iz gornjeg frekvencijskog opsega.
- **„Izaberi lokalni oscilator“** vam omogućava da podesite gornju i donju frekvenciju lokalnog oscilatora, ako ste na ekranu **„Način promjene lokalnog oscilatora“** izabrali **„Tonski“**. Ako ste izabrali **„Nijedan“** onda možete podesiti samo donju frekvenciju lokalnog oscilatora.
- **„Podesi frekvenciju lokalnog oscilatora“** vam omogućava da izaberete jednu od ponuđenih frekvencija lokalnog oscilatora ili da sami unesete vrijednost frekvencije lokalnog oscilatora. Uobičajeno je da se za donji opseg izabere ULNB-low, a za gornji ULNB-high.
- Ako opseg frekvencija lokalnog oscilatora nije kompletno konfigurisan ponovo se prikazuje ekran **„Izaberi lokalni oscilator“**. Ako je opseg frekvencija lokalnog oscilatora kompletno konfigurisan niz se zarvšava.

Ukoliko je bilo koji od LNB parametara promijenjen prikazaće vam se ekran za potvrđivanje zajedno sa upozorenjem da signal može biti izgubljen ako su LNB parametri pogrešno unijeti. Imate mogućnost da prihvatite izmjene ili da se vratite nazad. Obje opcije vas vraćaju na meni „**Napredna podešavanja**“.

## **Napredna podešavanja – podešavanje TV-a**

Ova opcija vam dozvoljava da odredite video standard i tip ekrana televizora koji će biti povezan sa dekomerom.

Ekran „**Izaberite video standard**“ prikazuje listu sa opcijama: PAL B/G, PAL I i PAL D/K.

Kad odaberete video standard, pojaviće se ekran „**Izaberite tip ekrana**“ sa opcijama „**16:9 Široki ekran**“ i „**4:3 Normalan ekran**“.

## **Napredna podešavanja - izlazni UHF kanal**

Ova opcija vam dozvoljava da podesite izlazni UHF kanal. Ovo je kanal na koji treba podesiti TV da bi primao modulisani izlazni video signal dekodera, ukoliko dekomer povezujemo na antenski ulaz TV-a.

Ovaj ekran pokazuje listu brojeva kanala u opsegu 21-69. Podrazumijevana vrijednost je 36. kanal. Biranjem broja kanala podešava se izlazni video signal na taj kanal.

Ukoliko promijenite broj kanala prikazaće vam se ekran za potvrđivanje zajedno sa upozorenjem da možete izgubiti sliku ako je izabran pogrešan kanal.

Imate mogućnost da prihvatite izmjene ili da se vratite nazad. Ako prihvatite izbor vraćate se na „**Napredna podešavanja**“. Opcija za povratak vas vraća da ponovo izaberete izlazni UHF kanal.

## **Dijagnostika**

Opcija „**Dijagnostika**“ vam omogućava da vidite dijagnostičke informacije u obliku spiska.


## Meni za pomoć

Ekrane koji sadrže pomoć možete dobiti za sljedeće opcije:

- Pomoć za korištenje mogućnosti „zaštite djece“;
- Značenje ikonica koje opisuju programski sadržaj;
- Pomoć za odabir jezika zvuka i titla;
- Pomoć za omiljene kanale;
- Informaciju o korisničkom servisu.

Pomoć za izabranu opciju je dostupna za sve opcije glavnog menija.

## Objašnjenje značenja ikonica



## Kontakt

Izaberite ovu opciju da vidite telefonske brojeve preko kojih možete kontaktirati Total TV korisnički servis.

## Uključivanje i mod pripravnosti (Standby Mode)

- Kada upalite dekoder vidjećete ekran sa porukom „**Molim sačekajte**“. Ako ste definisali jedan ili više omiljenih kanala, dekoder prikazuje prvi definisani omiljeni kanal. Ako niste definisali ni jedan omiljeni kanal, dekoder prikazuje kanal sa najmanjim rednim brojem.
- Kada uključite dekoder koji je bio u modu pripravnosti, na ekranu se pojavljuje kanal koji ste posljednji gledali.

Ukoliko vam nestane struja ili isključite dekoder iz struje, kada se struja vrati ili ponovo uključite dekoder u struju, dekoder se vraća u ono stanje u kome je bio prije nestanka struje.

## Prekid signala

Razne okolnosti, kao na primjer, vremenske nepogode ili greška u emitovanju mogu prouzrokovati prekid signala, o čemu će vas dekoder obavijestiti prikazom poruke „**Nema signala**“.

## Zamjena Total TV kartice

Total TV kartice će periodično biti zamjenjivane da bi se spriječila piraterija. Kopiranje podataka sa stare kartice počinje kada novu karticu ubacite u dekoder i sistem autorizuje prijenos podataka na novu karticu.

Podešavanje nove Total TV kartice se radi na sljedeći način:

- 1) Ubacite novu Total TV karticu u dekoder.

- 2) Pojaviće se ekran sa pitanjem: „Da li želite da podesite novu Total TV karticu?“. Ako odaberete opciju DA, proces se nastavlja. Ako odaberete opciju NE ili pritisnete dugme <Ů> vraćate se na kanal ili ekran na kome ste bili prije nego što ste ubacili novu karticu.
- 3) Pojaviće se poruka „**Ubacite staru karticu:**“. Izvadite novu karticu i ubacite staru karticu u dekoder, a onda pritisnite dugme <OK>.
- 4) Dok dekoder učitava podatke sa stare kartice vidjećete poruku „**Molim sačekajte**“. Po završetku učitavanja vidjećete poruku „**Ubacite novu karticu:**“. Sada izvadite staru karticu i ubacite novu karticu, a zatim pritisnite dugme <OK>.
- 5) Ponovo ćete vidjeti poruku „**Molim sačekajte**“ dok se podaci upisuju na novu karticu.
- 6) Od vas će biti traženo da naizmjenično ubacujete staru ili novu karticu, dok se svi podaci iščitaju sa stare kartice i upišu na novu.
- 7) Kada se proces završi, vraćate se na kanal ili ekran na kome ste bili prije nego što ste ubacili novu karticu.

Ako u bilo kom koraku ove procedure ubacite pogrešnu karticu, vidjećete ekran sa porukom koju karticu treba da ubacite.

Ako je započeto kopiranje kartice, ta procedura se mora dovršiti (ne postoji opcija da obustavite proceduru).

Ako za vrijeme kopiranja dođe do greške sistema, prikazuje se poruka o grešci. Tada se procedura obustavlja i vraćate se na kanal ili ekran na kome ste bili prije nego što ste ubacili novu karticu.

Greška sistema ili nestanak struje za vrijeme procedure kopiranja mogu da dovedu do toga da i stara i nova kartica postanu nevažeće. U ovoj situaciji pokazuje se poruka o grešci „**Ubacite novu Total TV karticu (16)**“.

## **Poruke o greškama u vezi sa pristupom**

Kada se pojavi greška u vezi sa pristupom, na ekranu ćete vidjeti poruku koja će vas obavijestiti o problemu i o tome šta treba da preduzmete.

Poruke se, uglavnom, prikazuju dok traje greška, nakon čega poruka automatski nestaje sa ekrana.

„Molimo vas da ubacite vašu Total TV karticu. Nemojte je vaditi, osim ako se to ne bude tražilo od vas. (1)“

Ova poruka se pojavljuje ako kartica nije ubačena u dekodera.

„Molimo vas da provjerite vašu Total TV karticu i da je ponovo ubacite, prije nego što pozovete korisnički servis. (2)“

Ova poruka se pojavljuje ako postoji problem u komunikaciji između kartice i dekodera.

„Pozovite korisnički servis da biste se pretplatili na ovaj kanal. (4)“

Ova poruka se pojavljuje ako pokušate da gledate kanal na koji niste pretplaćeni.

„Total TV kartica nije autorizovana - molim sačekajte. (6)“

Ova poruka se pojavljuje ukoliko kartica koju ste ubacili nije autorizovana od strane sistema za provjeru kartice. Ovo je poruka koju ćete vidjeti

prilikom instalacije dekodera. Ovu poruku takođe možete vidjeti ukoliko ubacite nevažeću karticu.

„Molimo vas da kontaktirate korisnički servis, moguće je da vaš dekoder nije ispravan. (7)“

Ova poruka se pojavljuje ukoliko dekoder ima problem sa autorizacijom kartice, usljed mogućeg kvara dekodera.

„Žao nam je, ovaj kanal nije dostupan. (8)“

Ova poruka se pojavljuje ukoliko dekoder ne može da prikaže kanal.

„Žao nam je, ovaj kanal trenutno nije dostupan za vaše područje. (9)“

Ova poruka se pojavljuje ukoliko je kanal blokiran za određeno područje.

„Molimo vas da kontaktirate korisnički servis, moguće je da je vaš dekoder bio neko vrijeme bez struje. (10)“

Ova poruka se pojavljuje ukoliko je dekoder nekoliko nedjelja bio bez struje.

„Molimo vas da kontaktirate korisnički servis. (11)“

Ova poruka se pojavljuje ukoliko postoji sigurnosni problem u vezi sa karticom, recimo ako je kartica namijenjena drugom emiteru.

„Molimo vas da kontaktirate korisnički servis. Ova Total TV kartica nije autorizovana za korištenje u ovom dekoderu. (14)“

Ova poruka se pojavljuje ukoliko je ubačena kartica uparena sa drugim dekoderom. Uparivanje je proces kojim se Total TV kartica vezuje za određeni dekođer i njegov serijski broj.

„Ubacite novu Total TV karticu (16):“

Ova poruka se pojavljuje ukoliko je došlo do greške ili nestanka struje prilikom zamjene Total TV kartice.

„Ovo nije Total TV kartica. (25)“

Ova poruka se pojavljuje ukoliko ubacite pogrešnu karticu (karticu koja nije Total TV kartica).

„Nova Total TV kartica - molim sačekajte. (26)“

Ova poruka se pojavljuje ukoliko ubacite novu Total TV karticu, za koju još nije izvršena autorizacija.

„Inicijalizujem Total TV karticu - molim sačekajte. (28)“

Ova poruka se pojavljuje kada sistem provjerava autentičnost ubačene kartice.

## **Preuzimanje softvera**

Softver u dekoderu se može unaprijediti preuzimanjem sa satelita.

Da bi ovo uradili nije vam potreban ovlašteni serviser, a od vas će biti tražena minimalna ili nikakva intervencija.

## **Transparentno preuzimanje**

Transparentno preuzimanje ne dovodi do promjene bilo kakvih parametara u dekoderu.

## **Unapređenje sa manjim promjenama vrijednosti parametara**

„Unapređenje sa manjim promjenama vrijednosti parametara“ ima za cilj da promijeni vrijednosti nekoliko specifičnih parametara bez uticaja na ostale.

## **Unapređenje sa velikim promjenama vrijednosti parametara**

„**Unapređenje sa velikim promjenama vrijednosti parametara**“ dovodi do toga da se vrijednosti svih parametara vrate na početne vrijednosti. Ovaj tip unapređenja može dovesti do toga da je potrebno ponovo proći kroz „**proceduru podešavanja prilikom prvog uključivanja**“.

## **Prekid programa usljed preuzimanje softvera**

Preuzimanje softvera se vrši korištenjem nezavisnog programa koji se nalazi u dekoderu. Dok ovaj proces traje, ne možete gledati ni jedan kanal.

Preuzimanje softvera može biti:

- normalno preuzimanje – proces preuzimanja počinje približno 60 sekundi nakon što korisnik prebaci dekoder u mod pripravnosti (stand by)
- prinudno preuzimanje – proces počinje odmah, bez obzira šta korisnik radi u tom trenutku (ako je dekoder uključen u struju i ima signal)

Ukoliko postoji novi softver za vaš tip dekodera, dekodер preuzima podatke, provjerava ih i učitava u memoriju. Dekoder se resetuje čim se proces preuzimanja završi. Ako dekodер ne može da izvrši preuzimanje, prikazuje se poruka o grešci.

*Nadamo se da ćete uživati prateći kanale iz TotalTV ponude!*

Ukoliko su vam potrebne detaljnije informacije, molimo pozovite korisnički centar.

Total TV korisnički centar

☎ Tel. 051 349 580